

ЕКТІНІН ТҰЯҒЫ



лар күні бүгінге дейін ортамызда жүр. Бірақ, солардың атын атап, түсін түстеуе әлі күнге дейін сараңбыз. Себебі, Кеңес үкіметі көзінде тек бір партияның, бір адамның ғана нұсқауымен жүріп, айналымызға жіп қараймы, табиғатын танымай, нақты бағасын бере алмай, жалтақтаған кезіміз аз болған жоқ. Ал, енді бүгінгі тәуелсіздік тұсында ұлтымызға қалтқысыз еңбек еткен тұлғаларды қатардан қалдырмай, өз білігін түрмей, құрмет көрсетіп, бар-жоғымызды түгендей білу қажеттілігі туындап отыр. Сондықтан, тіпті ғасырлардың арғы қойнауына көз жүгіртпей-ақ, күні кешегі кеңестік кезеңнің өзінде өз жолын тауып, өз өрнегін сала білген, еңбегімен елге жаққан ерен тұлғаларды бүгінгі, тіпті келешек ұрпаққа ұлгі етіп, ұсына білу, әсіресе, қаламгерлердің парызы деп ұғынамын. Сол себепті, мен, жас күнімнен жаныма жүрген, еңбегін бір ғана мен емес, ел бағалаған, бұл күнде, жетпістің жотасына аяқ басқан Серікбай Бірімжанұлы Тапаев туралы толғанысымды ортаға салмақпын.

Серікбай Тапаевтің басқасын білмей қойнауда, бір ғана Торғай төсінде шағын қалашық орнатып, Алтынсарин атындағы жаңа совхозды дүниеге әкелгенін өзі неге тұрады?! Торғайдан Қостанайға баратын күре жол бойында, Қызбал тауында бұарайында аз ұрақты салынған шағын қалашыққа әркімнің қызыға қарағаны әлі есімде.

Жетпісінші жылдардың бел ортасы, бәлкім, сексенінші жылдардың басы болар деймін, Торғай төсінде тың өзгерістер бастады. Елге Жақан Қосбаев, Мұхамметқали Айсін сияқты іскер де тегеурінді басшылар келіп, елдің рені, жердің көркі кіріп, Торғай даласы тың дүбірге бөленді. Көп жылдар қозғалыссыз жатып, азып-тозған шаруашылықтар іргесін қосытып, ірілене бастады. Тың жерден жаңа совхоздар сап түзеп, ауыл ахуалына жаңа леп пайда болды. Сол тұста, «Серікбай Тапаев деген жас жігіт Торғайдың қақ төрінде, Қызбал тауының бөктерінде жаңа совхоз шаруашылығын іргесін қалап, шағын қалашық салыпты» деген хабар Алматыдағы біздің құлағымызға дүңкілдеп естіліп жатты.

Алдымен, осы шаруашылықты көзбен көріп қайтуға кеңешші аттанды. Ол кезде ақын-жазушылар қара-құрасыз жұрмейтін. Қасында сол кездің өзінде де атақты ақын Жарасқан Әбдірашев бар. Сейтқазы Досымов сынды досы бар, тағы екі-үш жігіт Торғайға тартты да кетті.

Барған. Көрген. Жаңа шаруашылықты аралаған. Кеңес тауының етегіндегі Фафу жырлаған «Құттыбай бұлағының» суын сіміріп, екі-үш күн тыныстап жатқан ғой, бағғы.

Алматыға келе сала Кеңшілік маған қоңырау шалып: «Ойбай, Серік, мен Торғай жерінде бұрын көрмеген «сұмдықты» көріп қайттым», – деді. Оның «сұмдығының» қызық екенін білсем де, «Ой не?» деп едім. «Сұмдығы сол – Серікбай Тапаев деген жігіт, баяғы екеуіміз жатқан білекті «Құттыбай бұлағының» түбінен, Қызбал төрінен керемет совхоз салыпты. Соған арнап «Таза бұлақ» деген баллада жаздым», – деп, кейбір шұмақтарын айта жөнелді. «Тұра тұр, тұра тұр!» деймін мен, тағы бірдеңе сұрадым кейін. Тұра қоятын Кеңшілік пе, ақыры, өленді оқып берді.

Мен ойлаңыз қалдым. Маған неге бармақса? Сонда кіммен бірге бармақпын? Ауылға барғанда шайден басқаси шәтең ішептейн Шаймердендер емес, шалқып бақып жүретін бірер жігітті ертіп алу керек!

Бір күні Бақыткерей Ысқақов: «Серік, кеше «СК»-дан Кеңшіліктегі «Таза бұлақ» деген балладасын оқыдым. Торғайдағы жаңа совхоздың директоры Серікбай Тапаевқа арнапты. Керемет! Серікбай мені де шақырып жатыр. Мен «Серік екеуіміз барамыз» деп уәде беріп қойдым. Тез жиналаң», – деп қоңырау шалды.

Бақыткерей екеуіміз Торғайға тартып келдік. Алматыдан ұшақпен аттанған біз екі сағатқа жетпей, Арқалық әуежайына топ екі қалдық. Топ екі қалған ұста бізді күтіп тұрған Тапаевтың жігіттері алды астымызға қаратпастан, қатар-қатар танатардың арасымен Арқалыққа да, Торғайға да соқтырмастан тұра Қызбалдың кіндік тусынан бір-ақ шықтық.

Көне Торғайдың ескі үйлеріне үйреніп қалған көзіміз, Қызбал құшағындағы жаңа қалашыққа таңырқай қарастық. Самалдары

Қасиетті әрі қастерлі Торғай жерінде ерен еңбегімен елге танылған талай тұлғалар бар екенін айтудан әсте жалыққан емеспіз. Себебі, жұртқа үлгі, ұлтқа тұтқа болған асыл азаматтардың атын ардақтап, әспеттеу, әсіресе, қаламгерлерге міндет. Бағыдан келе жатқан бір дәстүр бар, халқына танымал, ел-жұрты ардақтаған асыл азаматтар ешқашан елеусіз қалған емес. Олардың бәрі бірдей қол бастаған батыр, сөз бастаған ақын бола беруі міндет емес. Халық қашанда еліне еңбегі сіңген ерен ұлдарын ешқашан есінен шығарған емес. Бұл өзі ғасырлардан тіні тарқамай күні бүгінге дейін жалғасып жатқан үлгіні үрдіс.

сап түзеген бірінен бірі өтетін жана үйлер, көзіңді қызықтырып, көңіліңді марқайтты. Қайда қарасаң да қайнаған құрылыс алаңы. Шаруашылықтың шырайын ашқан ақ шаңқан үйлер, көз тартар көше тәббегі.

Серікбай бір кезде Арқалықтың қасындағы шаруашылығы құлдыраған Ә. Майкөтов атындағы совхозды қолға алып, ауданда, облыста, республикада алдыңғы қатардан көрініп, «жекешелендіргендердің» ықпалына жығылмай, өзіне ұжымдық жол тауып, шаруашылықты нық ұстап тұрған кезі еді. Бірақ, Тәуелсіздіктің бастауында бет-бетімен береді кеткен жүйенің қырсығы Серікбайдың сеніміне селкеу түсіріп, жігерін құм қылды. Ақыры, Торғай жерінде тер төгіп, туған еліне аянбай еңбек еткен ер жігіт облысы бір емес, екі рет тараған соң, Астанаға жұмыс бабымен ауысуға тура келді. Астанادا да тәжірбелі, іскер жігіт қарап отырмай, еліміздің іргелі шаруашылықтары мен компанияларында ірі қызметтерін тізгінін ұстады. Абырой білігін көрді.

Еліне жаны ашитын текті жігіттің жай жұруі жараспайды. Бұрынғы Торғай, қазіргі Қостанай облыстарының іргелі шаруашылықтарына білік-білімін жұмсап, кешегі зейнет жасына шыққанша ақыл-кеңес, қол ұшын беріп жүрді.

Серікбай өзін күш-қайратын тек ауылдас-қауымдас, жолдас-жора, туыстарына ғана жұмсап қоймайды. Кезінде аудан, облыс басқарып, халыққа жақын болған қайраткерлердің де қадір-қасиетін, қастерлі ісін ел-жұртқа насихаттау жағынан да өнегелі істерге мұрындық болып келе жатыр. Мәселен, досы Орал Мұхамеджанов туралы бір емес, екі естелік кітап шығаруға барына атсалысып, халық қадірлеген, торғайлықтар төбесіне көтерген Еркін Әуелбековтің аңызға берісіз ерен ісін естелікке айналдырған үлкен кітабын шығаруға атсалысып, қол ұшын бере білді. Бұған Қостанайдағы «Қонаев қорының» жетекшісі, қарт қаламгер Дауренбек Ахметбековтың да ер қолқанын айта кеткеніміз абзал.

Сонымен қатар, өзінің арғы атасы Тілеулі батырдың Ақтаев жерінде жатқан тарихи орнына барлау жасап, оның төңірегінде тұлғалардың да тарихи шежіресін жүйелеп, бір ізге түсіруде де Серікбай еңбегінің ізі сайрап жатыр.

Серікбай Тапаевтың халықтық, елдік мәселелерге атсалысқан талай татымды істерін тілге тиек етуге болар еді. Бұл, әрине, бір ғана мақаланың көлеміне тартық етерісі.

Осының бәрі, сыйып келгенде, Серікбай Тапаевтың өз тұмасының тектілігін туындаса керек. Тектілігі сол Серікбайдың арғы тек ата-бабалары батырлар, ақындар, ел бастаған көсемдер, от ауызды, орақ тілді шешендер. Жалпы, қалың қыпшақты Серікбай тікелей өз атасынан шежіре таратып, Таңат тарихына ғана тармақтасаң, талай қилы-қилы әнімелерге оқу боламсыз. Әсіресе, Серікбайдың анасы Дарыға аламыз ерекше жаратылған жан еді. Олардың басынан өткен қиыншылықтары бүл күнде ешкім көтере алмайтын шығар деп ойлаймын. Заманына сай мықты зиялы кісілер болды. Баласына айтып отырған ақылдан талай тыңдалдым. Сондай ақыл-парасаты естіп өскен Серікбайдың ешкімнен осап болуы мүмкін емес. Серікбай оқуда да, еңбекте де, қызметте де, өмір-тірілік ортасында да қатарының алды болып, үнемі абырой білігін көрініп келеді. Оның олай болмақса хақы да жоқ. Өйткені, ол батырлар рұхымен біте қайнасқан ақындардың ақ тілегінен жаралған, асыл ананың ақ сүтінен нәр алған, қазақ халқының қастерлі қасиеттерін бойына сіңірген ұлтымыздың ұланы, тектілердің туяғы.

Серікбай Бірімжанұлының ерен еңбегін ерекше атап отырып, тектінің туяғы екенін қадап айтқаннан кейін, оның ата-тек тарихын жан еді да болса таратып айта кеткен артық болмас.

Ормандай қалың қыпшақтық бас аяғын қамтымай-ақ, тек қана Таңат тарихына шежіре шерттер болсақ, Серікбайдың ата-тепнен тараған талай белгілі де белелді адамдардың, қол бастаған батырлардың, сөз бастаған ақындардың, келе-келе ел басқарған ерен тұлғалардың шыққандығына куә болар едік. Арғы Қолдандыға қол созбай-ақ, Серікбай Бірімжанұлының атасы жағынан ерлігі ел аузында аңыз болған Ерғөз батырдың шәбересі, анасы жағынан Батырбай қажының жиені екенін айтсақ та жеткілікті.

Ал, асыл жары Мамырға келер болсақ, маңайынан алтын шуақ төгіліп, жан-дүниесі күндей жарқырап, келген қонағын күлмдеп

қарсы алатын, бойында нағыз қазақтың байбішесіне тан асыл қасиеттері қалыптасқан қадірлі қазақ әйелі. Туған жері – Жетісу, өзі де сол табиғатына тартқан жаны жайсаң жан. Мамандығы – дәрігер болған соң ба, адамға жанашыр, кім-кімге болса да қол-қабыс жасауға әзір тұрады.

Ермек, Ерболатай ұлдарды, Әселдей қызды тәрбиелеген Серікбай мен Мамыр бүгінде 11 немере, 3 шөбере сүйіп отыр.

Сөз арасында біз Торғай төсінде туып-өскен текті жігіттің ерен еңбегі, халыққа жасаған қызметі мақұнда қысқаша әңгіме ербіттік. Алайда, оның алдында әлі де биік белестер тұр. Өйткені, ол өзі туып-өскен ортадан бір сәт алашақтап көрген емес. «Әкеге тартып ұл өсер» дегендей, ата-баба ізімен ұлына, жұртына үнемі жанашыр болып жүретін кешегі жайсаң жігіт бүгін жетпістің жотасына шығып, алды-артына көз жүгіртіп, әлі де ұрпақ үшін жасалып жатқан ұлы мұраттарға үлес қосуда...

*Досым,
Кейде тіпті құрдастарың,
Жүрегің қаламаса сырласпайсың,
Ақ туын адалдықты көтерісіп,
Ешқашан қиянатқа бір баспайсың.*

*Ауылың аталады «Ақ кісі» бол,
Көгіңде қалықтады бақ құсы бол,
Барған жан сол ауылға құмасықпен
Екі-үш күн аялдайды жатқысы көп.*

*Жақындап келіп сені танығысы,
Қашпайды ол ауылдың аңы-құсы.
Бас қойып қонақ болып қайтады олар,
Құмары қанғанынша қанып ішіп.*

*Қоңдырып қонақтардың құтты көшін,
Тізесін талайлардың бүктіресің.
«Аялдап қонақ болып қайтады» деп,
Ауылдың ақ боз үйін тіктіресің.*

*Жастық шақ,
Отырғызбай дамылдапты,
Жүруші едік дауылдапты,
Жалындалып,
Қасында Бақыткерей,
Жатып едік,
Алты күн,
Ауылыңның дәмін татып.*

*Осы ғой,
Білген жанға ақын бағы,
Тандайы шешендердің тақылдады.
Сені іздеп,
Ауылыңа барған едік
Атаңның –
Алтынсарин атындағы*

*Кетпейді жетегінде жеке қуштың,
Қызыңда жүрген жоқсың бекер істің,
Іргесін мектептердің қолдан қалап,
Күмбезін мешіттердің қолдестің.*

*Жігітсің даладай кең,
Дархан жаны,
Әрдайым азаматтың артар бағы,
Жүрдің сен күні-түні ел қамы үшін,
Аямай қаражатты қалтаңдағы.*

*Мерейін талайлардың еттің ұстем,
Осылай арманың жеттік іспен,
Қолдаған ата-баба аруағы,
Білгенге соның бәрі – тектіліктен.*

*Ермектей, ұрпағың бар Ерболатай,
Шайқаралық «Алаш» әдеби
Әсіріп немерелер, шөберелер,
Жетіске келіп қалдың желген атай*

*Тідесіп,
Ата-баба – Таңіріңмен,
Жайылысың –
Бәйтеректей тамырың кең.
Мың жаса –
Ұйлықпандай ұрпағыңмен,
Бір болып,
Асыл жарың – Мамырқымен!*

Серік ТУҒЫНБЕКҰЛЫ,
Халықаралық «Алаш» әдеби сыйлығының лауреаты, ҚР Еңбек сіңірген қайраткері